



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-153 -6/24**

Datum: **27.05.2024. godina**

«Agencija za vodno područje rijeke Save» Sarajevo rješavajući po zahtjevu investitora Husarić (Huso) Adnan iz Lukavca za donošenje rješenja o vodnoj dozvoli za ispuštanje otpadnih voda sa lokacije stambeno-poslovnog objekta, namjena poslovnog objekta je automehaničarska radionica, u ulici Meše Selimovića, Grad Lukavac, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. Zakona o upravnom postupku («Službene novine Federacije BiH», broj 2/98, 48/99 i 61/22), **donosi:**

RJEŠENJE

1. Odbija se zahtjev investitora Husarić (Huso) Adnan iz Lukavca za izdavanje vodne dozvole za ispuštanje otpadnih voda sa lokacije stambeno-poslovnog objekta, namjena poslovnog objekta je automehaničarska radionica, u ulici Meše Selimovića, Grad Lukavac, na zemljištu označenom kao k.č. 2469/2 K.O. Lukavac s obzirom da za predmetnu aktivnost nije propisana obveza pribavljanja vodnih akata od strane ove Agencije.
2. Ukoliko tokom korištenja objekta dođe do promjene tehnologije proizvodnje ili namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, Investitor je dužan da pribavi vodne akte od nadležnog organa.

Obrazloženje

Investitor Husarić (Huso) Adnan iz Lukavca zahtjevom bez broja od 20.03.2024 godine zaprimljenim u ovoj Agenciji dana 22.03.2024 godine zatražilo je izdavanje vodne dozvole za ispuštanje otpadnih voda sa lokacije stambeno-poslovnog objekta, namjena poslovnog objekta je automehaničarska radionica, u ulici Meše Selimovića, Grad Lukavac, na zemljištu označenom kao k.č. 2469/2 K.O. Lukavac.

U provedenom postupku dostavljena je i pregledana sljedeća dokumentacija:

A. Opšta dokumentacija

- Kopija uplatnice administrativne takse,
- Rješenje o naknadnom odobrenju za građenje broj: 05-19-3429/23 od 13.02.2024 godine izdato od strane Službe za urbanizaciju, imovinsko i geodetske poslove, Grad Lukavac-ovjerena kopija,
- Rješenje o prethodnoj vodnoj saglasnosti broj: UP-1/21-1-40-369-7/23 od 27.09.2023. godine izdato od strane «Agencije za vodno područje rijeke Save» Sarajevo,
- Rješenje o vodnoj saglasnosti broj: UP-1/21-1-40-512-2/23 od 20.11.2023. godine izdato od strane «Agencije za vodno područje rijeke Save» Sarajevo,
- Ovjerena kopija lične karte Husarić Adnana,
- Rješenje o izmjeni rješenja o obavljanju obrtničke djelatnosti broj:03-17-746/24 od 13.03.2024 godine, izdato od strane Službe za društvene djelatnosti i upravu, Grad Lukavac
- Načelna saglasnost broj: 05-02-2429/22 od 05.05.2022. godine od strane JP Rad d.o.o. Lukavac
- Zapisnik o izvršenom tehničkom pregledu izvedenih radovana izgrađenom stambeno-poslovnom objektu u Lukavcu od marta 2024 godine.

B. Tehnička dokumentacija

- Izmjena i dopuna Glavnog projekta sakupljanja, tretman i ispuštanja otpadnih voda sa načinom vodosnabdijevanja stambeno-poslovnog objekta, stambena jedinica i automehaničarska radnja, urađen od strane „TQM“ d.o.o. Lukavac, maj 2024 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. Stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-153-2/24 od 03.05.2024. godine.

Na osnovu uvida u dostavljenu dokumentaciju i izvršenog uviđaja na terenu utvrđeno je sljedeće:

Lokacija izgrađenog stambeno-poslovnog objekta- namjena poslovnog objekta je automehaničarska radionica, nalazi se u ulici Meše Selimovića, Grad Lukavac, na zemljištu označenom kao k.č. broj: 2469/2 K.O. Lukavac.

Osnovna namjena predmetnog poslovnog objekta je servisiranje vozila.

Podnosilac zahtjeva je u postupku pribavljanja dozvola za legalizaciju postojećeg stambeno-poslovnog objekta, namjena poslovnog objekta je automehaničarska radionica, u ulici Meše Selimovića, Grad Lukavac uradio Glavni projekta sakupljanja, tretman i ispuštanja otpadnih voda sa načinom vodosnabdijevanja stambeno-poslovnog objekta, stambena jedinica i automehaničarska radnja, urađen od strane „TQM“ d.o.o. Lukavac, novembar 2023 godine na koji je data vodna saglasnost.

Prilikom uviđaja utvrđeno je da se na terenu prilikom gradnje se odstupilo od tehničkog rješenja iz navedenog projekta. Po utvrđenom stanju na terenu i izjavi podnosioca zahtjeva odlučeno je da pristupi izmjeni i dopuna tehničke dokumentacije na način da se obradi prikupljanje, tretman i konačno ispuštanje i prilagodi izvedenom tehničkom rješenju odnosno produkciju eventualne tehnološke otpadne vode unutrašnjeg prostora automehaničarske radnje onemogućujući blokiranjem-betoniranjem postojećih tačkastih slivnika i samim tim neće nastajati tehnološki otpadni tok.

Iz navedenih razloga podnosilac zahtjeva je izvršio izradu novog projekta- Izmjena i dopuna Glavnog projekta sakupljanja, tretman i ispuštanja otpadnih voda sa načinom vodosnabdijevanja stambeno-poslovnog objekta, stambena jedinica i automehaničarska radnja, urađen od strane „TQM“ d.o.o. Lukavac, maj 2024 godine. U projektu je prikazano i obrađeno postojeće tehničko rješenje.

Prostor automehaničarske radnje nalazi se u prizemlju objekta koji je predmet legalizacije, tj., isti je nadkriven te neće dolaziti do ispiranja prostora putem oborina. Čišćenje servisa se vrši suhim putem.

Prostor ispred automehaničarske radnje je asfaltiran i na istom se ne vrši nikakva aktivnosti ispred autoservisa. Voda sa ovih površina se ispušta u kanalizacioni kolektor kojim upravlja - JP Rad d.o.o. Lukavac prema saglasnosti operatera.

Snabdijevanje vodom za potrebe predmetnih objekata je obezbijeđeno priključkom na gradski vodovodni sistem.

Podnosilac zahtjeva je dužan da u skladu sa propisima zaštite okoliša vrši bezbjedno skladištenje i postupanje sa opasnim materijama i ostalim otpadom nastalim na predmetnom lokalitetu (adekvatnim mjerama onemogućujući bilo kakvo isticanje i rasipanje opasnih i štetnih materija na tlo i u vode). Nastali otpad na predmetnoj lokaciji prikupljati i privremeno odlagati u skladu sa važećim propisima o postupanju sa otpadom te isti predati na zbrinjavanje ovlaštenoj firmi za tu vrstu djelatnosti.

U planiranom objektu neće nastajati tehnološke otpadne vode iz procesa rada, odnosno nema ispuštanja tehnoloških otpadnih voda u smislu odredbi člana 109. stav 1. tačka (2). Zakona o vodama kao ni oborinskih onečišćenih voda kako je to utvrđeno odredbama članom 3. stav 1. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije

Na osnovu dostavljene dokumentacije i utvrđenog činjeničnog stanja, u skladu sa članom 109. stav (1) tačka 2. članom 110. stav (3) Zakona o vodama («Službene novine Federacije BiH», broj 70/06) i člana 123. stav 2. Zakona o upravnom postupku («Službene novine Federacije BiH», broj 2/98, 48/99), pa je sukladno navedenom riješeno kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Ahmedić Behija dipl.inž.tehn.

Po ovlaštenju

Rukovodilac sektora za zdayanje vodnih akata



Haris Ališehović, dipl.inž.građ.

Dostaviti:

- Adnan Husarić, Meše Selimovića bb, Lukavac (Prilog: Tehnička dokumentacija pod tačkom B. ovog rješenja)
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava